

Theo Croes di Arubus

“Si auto bay core den caya grandi e por tarda operacion di tram”

ORANJESTAD – “Si auto bay core den caya grandi, e por bay tarda e operacion di tram,” segun director di Arubus, Theo Croes.

E ta sigui splica cu e ta algo cu lo bay stroba sigur, den sentido cu e frecuencia cu tram lo core, lo baha.

Un decision di DOW y polis

E ora kisas den caya por laga auto pasa anochi den caya ora cu e tram no ta coriendo, ta pa evaluacion di DOW y Cuerpo Policial. Arubus ta e operador di e tram como tambe e mantencion. Pa Croes, si e autonan cuminsa core den dia, ta haci cu lo afecta e operacion di tram. Si e wordo dicidi, Arubus lo ehecuta manera cu e wordo dicidi. E ta posibel, pero si lo e bay tin



su efectonan, manera menciona anteriormente, en particular si tin crucero.

Extension di orario

Segun Croes, a check si turistanan ta baha for di tram. Arubus ta extende e orario

cu e tram ta para na final di caya. Prome a pone 5 minuut, awor el a bira 10. Tambe a informa e turistanan cu tin un punto di comienso na waf y su punto final ta na Nikki Habibe. Esaki ta pa stimula e turistanan pa baha pa nan haci nan compras y pa informa nan tambe cu lo tin un



tram despues di tanto minuut cu por tum'e pa bay bek na nan punto di salida.

Conductornan como guia Arubus mes ta haciendo adaptacion pe turistanan. Conhuntamente cu MAMBO, nan ta keda pendiente pa mira con nan ta bay contrata un persona pa duna les

na e conductornan pa asina nan por ta un guia. Cu guia Croes kiermen cu nan mes por duna mas informacion na e turista riba caya grandi, kico caya grandi tin pa ofrece, pa mostra con atractivo caya grandi por ta pa asina e turista por haci nan compras, segun Theo Croes. □